

恥堂存豪

耻

聰堂存稿卷七

宋 高 斯 得 撰

七言古詩

題天台夏肯甫曉山亭詩

謝公晨策花崖登杜陵早起開前林徽之朝挹西山爽
退之曉望南山稜古人看山自有候箇中意味誰探尋
林霏夕斂羣動息澤氣宵上英雲蒸不于此際毓神秀
安得向曙嵐光凝平生苦不識夜氣見山忽得鄒人心
卷書默坐會有得此豈文字能摹臨斯亭題扁有咀嚼

慎勿只遣供閒吟直須敲破第一義庶幾山鬼逢知音
題趙致道茅齋

三百年前茅屋歌誰其繼者茅齋銘杜陵憂世何其切
鶴山觀物何其精兩詩妙處均不朽吾能合異融其真
綺櫳雕宇貯豪士此豈有意矜吾民從來大庇天下手
乃在茅棟茨檐人請君觀銘驗吾德復來歌義充吾仁
庶幾體用歸一貫二老可作當欣欣

五月六日約諸友遊北山舟已具而予偶不能出
諸友和坡公法華寺詩亦賦一首

區中無由舒眼界欲上雲峯觀九派頗聞黃龍擅奇特
儻得窺臨真一快清茗一綫僅委蛇具區萬頃何滂湃
又聞法華兩招提清曠夙絕人境隘池光瀲灩鏡無臺
山色清寒身不壞石林幻出玉玲瓏萬虎千羆斷雄怪
幽貞叶策天相之梅雨初晴白日曬州家幸肯借官船
亟饌魚蝦菹蕪蕪奈何欲往竟不諧徒羨諸公脫天械
歸來爭發古錦囊令予伎癢如爬疥嵇康本自不羈人
況復時屯方翮鍛終當于此結菁茅庶可償渠猿鶴債
劉友鶴以詩贈別次韻送之

耳宜存利
昔披朝霞尋洞天五峯矗漢高巘岈靈君營魄去千歲
秋桂春蘿空鎖寒古心未死不忍去搖搖風燻空中懸
五年失脚墮時網夢思重到無由緣竭來出守山水郡
公餘頗得窮幽元丹丘仙客舊心賞騎鶴過之同晤言
詩妍青林華韡韡氣老幽澗松桓桓問余君土信奇絕
孰與吾山多紫烟桐江縉魚炯志節緱山笙鶴誇神仙
能衡鐵炭識輕重衆山部婁真如拳羽人聞此深領會
笑指雙臺催棹船題詩莫作世間語會有剗剔青苔看
時雪應禱周子車和東坡所次柳子玉韻見貽用

韻答賦

大冬愆陽人久渴井泥無泉百川竭老天有意濡沫之
一夜幻成三尺雪勿嘲見卵索時夜在眼來牟疑彷彿
蹇予詎敢貪天功片片無非后皇德由來此物貴臘前
況復霏霽當暢月坡公守穎足風流坐看斜飛詠愁絕
明朝亦欲踵前規試與諸君相暖熱

出其東門行

原註刺郡
守貪暴

君不見會稽太守第五倫罷官潛去逃吏民不知當時
何所畏乘船夜渡曹娥津只緣惠愛入人髓攀車叩馬

千萬羣使君若不行詭道愛河浩渺難抽身舊聞吳興
解郡綬歸路南指朝天京爾來史項後先去云何卻出

東城闈

原註史越翁項公澤皆貪暴

橫山伺候不知數

原註橫山南路小聚落

攜壺挈榼相邀迎使君自揣非壽我西子不潔將汙人
水軍二百耀南路三更一舸臨湖門會稽吳興迹相似
誰知愛惡殊其情畏匡戒薛聖賢有豈比汝曹祇自焚
嗟哉後人亦監此慎勿繼踵成三人從今要辨守賢否
只觀去路東南分

禹柏行

往年上會稽凌空禹穴曾得窺今年浮沅湘又見禹柏
蹲山陂茫茫禹迹遍天下獨此二物稱神奇凌雲意氣
銷鑠盡根心就化空存皮穆柯入地枯不死反更上擢
青銅枝被以九龍名流傳自何時得非木宿蒼龍精儲
英萃異成雄奇頭角崔嵬訝撐拄牙鬚磔裂相紛披孔
明廟柏信稱古上距何翅千年奇杜陵品藻一何陋遺
落鼻祖收孫枝諉云此地不身到何由得集衡湘詩鳴
呼衡之山巍巍湘之水瀾瀾地氣何太偏獨于草木乎
鍾之柏兮手植自神禹竹也種傳由舜如誰能為天分

取字存和 卷七 四 谷際岐校
此界人物庶幾可使悍俗囂風移

題涪谿寺

春陵太守真好奇結茅肥遯湘江湄三吾出意作新字
脫略蒼籀遺冰斯溪山于我本何有占斷不許傍人窺
人生天地遠行客戀身外物庸非癡漫郎仙去五百載
名字永與茲山垂要知忠義不磨處雖不自與人與之
至今過者望卷石森然魄動中興碑此公何用專壑鄙
世上寧有爭墩兒我來訪古荆蓬藿悵然不識亭臺基
掃出蟬噪發斯義元子可作然吾詩

次韻王深道寄題其弟敏道菊山

黃花有鑒能品人俗士往往遭眼白獨憐寂寞陶長官
到死同盟不相釋至今采采東籬詩千載晶光猶陸離
瘦人妙質久無記羞對紛紛女曹兒子今風塵走異縣
故山舉頭不可見奈何友此隱逸花三嗅幽香意中戀
我聞瀛壖足隍州夢生八翼飛秋秋不須苦覓菊山句
晚節相期拂衣去

次韻不浮弟自金陵相過

老夫睡眼方昏花夢中忽聞歌棹華暮春逢此晴雨好

足慰飄零少陵老知君重踏東華塵先訪雪堂老師兄
大篇鏗錫來扣寂讀之宛如花萼集花殘誰復倚欄干
黃鶴催歸呼子安此花當屈第一指徐娘風情猶可喜
詩成共賦豈厭多惠連何不借羊何原註君朋不來故云古來難
并良與美報答春光一盛旨勿云數見恐不鮮勿憂相
煎荳萁然我今已信天行止小馮當門乃吾意一春花
惱只顛狂行樂最怕功名妨杜牧尋春遲有悔且須十
日澆磊塊

再次韻

神仙不求三朶花顏色不求陰麗華但願時清風日好
娛此無裘癡鈍老花光雲錦柳麴塵買春不用孔方兄
正過寂寂還寂寂有弟有弟遠方集客來我常爲段干
長恐高臥驚袁安踉蹌開門門措指爲見阿同無量喜
阿同爾來新詩多句法不減水部何益然醺人如酒美
夢回牙頰聞餘旨我詩端如食小鮮間廁八珍徒赧然
掀髯浩歌不能止酒酣一麾鐵如意高樓搥碎謫仙狂
茫茫宇宙隘而妨手捋虎須終不悔謫仙與我如龔隗

絕交行

男兒獨立天地間太華絕尖一何峭子房不肯下蕭曹
伯夷本自輕周召往來舞袖拂雲霄醉裏扁舟凌海嶠
鳳飢肯向雞求餐玉潔不與蠅同調山高路斷客來稀
日晏塵空臂爭掉窮塗李白友俗人歲晚杜甫交年少
前門長揖後門闕當面論心背面笑雲門輕與凡耳彈
夜光莫怪兒童誚君平世棄政自佳老子知希渠所要
人間對面九疑峯未許衝風鼓無竅

物貴日甚

自從爲關以爲暴物價何止相倍蓰人生衣食爲大命

今已勦絕無餘遺真珠作襦錦作袴白玉爲飯金爲糜
蒼天蒼天此何人邁此大疾誰能醫無食吾欲食其肉
無衣吾欲寢其皮誰能爲我覆八溟一洗世界無瘡痍
絲麻糞土被天下菽麥水火調民飢風后力收不可起
吾輩碌碌安能追

次韻徐景說贈安象祖

千仞岡頭孤鳳飛翰林萬族驚且啼桐江得樹一棲息
足以慰我飢渴思飄然徑度爛柯去再儀天陛來何時
子今追逐一何遠所期不負平生知獨慚託我非所任

泌水洋洋難療飢夜光明月要人識而我何知和與隋
 端人擇友必有取定交從此夫何疑長安綠槐十二街
 五都遊客爭奔馳咄哉掉臂不肯住來同聖路乘堅肥
 嗟余舊學荒已久安能扣擊探玄機世事舉目已可知
 淹留此土終何為若谿一曲攪歸夢與子共賦臨流詩

次韻劉養源見寄

咨余暮齒依蒲柳見君無門慚九九小臣久去孔鸞庭
 太史曾供牛馬走忽聞妖慧出不虞天子驚惶下手書
 孤忠泣血悼危亂有詔不應心何如一陽剝盡羣陰長

四海八荒俱痛癢充庭溢序豈無人借問何人真挺鯁
 老夫空臆陳王前語慙惟懼人抄傳擒賊擒王真古語
 肯于雞肋安尊拳相如雖乏三千牘自謂一言能報國
 此腰堪斧尚不辭更問世間閒禍福但愁蠖濩宸居深
 司馬門遠終浮湛原註或謂子封事不得達德音秩秩猶在耳罪言
 殺士俄相尋權戚當朝底時節不見朱雲攀檻折弗于
 要處箴膏肓毛舉萬端何屑屑友鶴仙人當暮秋詩來
 開卷風颼颼句法森嚴何所自丈夫冠冕垂前旒淡交
 如君真耐久何不來同一杯酒期君他日孟浩然男兒

取堂存利
卷七
谷際岐校
事業無窮年

次韻王深道見寄

社鼯屋鼠非難攻我力如綿不能動坐令墨吏彌奮張
氣湧如山高龍挺天王聖明俾日月跂望丹青眦幾裂
孤忠耿耿達無路獨抱幽香分蕪絕諸偷恣睢方搖尾
忽報台州隨逝水人不代天天代人造物明威乃如此
嗟予粗不愧守官繫有承君鑄志完

次韻張璽見寄

掀髯一笑天地間八代文衰誰爲起夷陵丹砂空自光

中山老冕不可使一從麥秀獲麟臺二千餘載無文字
謫仙豈無希聖心誰其起予二三子張君忽贈白雲句
墨妙筆精真可喜宗師奇澀費吟嚙三讀方能得其意
奮髯蒼鼠色無冤吐氣黑蛟雲可致恨子初筵我旅酬
妙處安能爲標指懼遭掎摭不哦詩畏觸禍刑寧作史
翰林主人子墨卿昔也同盟今趣異不見當年聖德詩
猶被他人呼怪鬼慚君問我乞餘丸安得錦囊出懷裏
丈夫蓋棺事始定斯文固應付後死試問涪翁餘七言
松苓臭味固相似

西湖競渡遊人有蹂踐之厄

杭州城西二月八湖上處處笙歌發行都士女出如雲
 驩騶塞路車聯轄龍舟競渡數千艘紅旗綠棹紛相戛
 有似昆明水戰時石鯨秋風動鱗甲抽釵脫釧解佩環
 匝岸遊人爭賞設平章家住葛山下麗服明粧四羅列
 喚船催入裏湖來金錢百萬標竿揭傾湖盆至人相登
 萬衆崩騰遭踏殺府門一旦尸如山生者呻吟肱髀折
 西湖自是天下景何況遨頭古今壓一時死者何足道
 且得嘉話傳千葉諫官御史門下士九重天高誰敢說

溪翁聊爾作歌謠謹勿傳抄取鯨別

三麗人行 有序

杜子美作麗人行譏丞相楊國忠也國忠貴妃
 之兄近事有相似者以蘇公有續麗人行故作

三麗人行

麗人列屋芙蓉城煙紅露綠千娉婷朝回迎笑擁前後
 忽遭唾棄嫌羶腥汝曹面作死灰色爭似平康坊裏人
 連眉倒暈雙鷗鬢臨春璧月陽臺雲西湖喧天歌鼓鬧
 列坐長筵來狎賓紫衣中使天上至黃封百榼羅前庭

海螯江柱堆巖峴猩脣熊白爭鮮新微哉何曾食萬錢
陋矣楊家送八珍酒酣自有娛客具非絲非竹非歌聲
呼盧一擲數百萬劉毅酸寒何足陳此時相公眼生纈
平康一笑華堂春鷄鳴鐘動卻歸去相公手自與金銀
恩纏愛結無與比何意一朝遭怒嗔偶緣病起思破悶
亟遣花使傳丁寧誰知青鳥不解事還報從人嬉水亭
立驅百騎猝而至判司姓賈如弟兄同遊七吏俱簿錄
一日得錢千萬緡大書明梏令湖曲蘇堤掃迹無蹄輪
風流宰相推第一但恐稷契羞同倫腥風霎霎塞宇宙

萬年遺臭何時泯要當壯士爲一洗我老無力覆八溟
次韻周子車喜雨

平生報國無才力日夜只祈天雨粟詎今歲事少差池
怪證誰云一而足入春郡國多苦早起瞻四方何蹙蹙
陋邦愚守介其間造物私之意何篤桑蠶有歲麥有秋
千里欣欣人足欲爾來勤雨纔浹旬日日眼穿雲石觸
哀哉赤子命如綫亟顛蒼穹求迓續果然馬上天瓢翻
誰謂龍公慳一掬吾儕所學自孔氏頗信此身兼位育
真能辦得一寸心勺水固知焦可沃君詩信美嫌太誇

只恐流傳幸自速八荒延首待甘霖傳說誰其踵芳躅
次韻雪寒郡中糶米養源有賦

父兮兒飢母兮寒餅中無粟囊無錢天公何不知人苦
瘠風裂膚雪塞戶我來日月雖未多舛令已干天譴呵
醫瘡眼下尙無藥更有妙訣瘳沈疴拔貧爲富非不窘
坐視溝瘠吾何忍長民要識天之天此事前人固加謹
我倉我庾雖甚枵且須傾空蘇瘵凋慚無大德與汝曹
聊以小惠爲寬條何時公私俱露積慰我片片心事赤
圩豐食可接青黃盜弭丸無探赤白老夫藉手得歸田

免譏取禾三百廩君詩太誇不可傳吾恐聞者譏貪天

莫恃勢行

夜燈讀書史標然撫予曾奇哉天下士英雄見略同子
長歎息芋家事謂勢于人將有窮謫仙作詩戒鯨鯢亦
云勿恃風濤之勢如白龍乃知世上夸毗子控搏外物
終成空君不見寡大夫圍初得楚章華臺前汗成雨鄭
田周鼎哆然求齊桓晉文何足數一朝乾谿萬衆潰飢
臥獨枕涓人股君不見夫差稱霸會黃池諸侯不敢捩
眼窺臨盟爭長莫敢拒吳竟爲先晉次之中原甫歸敗

笠澤甬東百家悖可悲君不見趙家主父尤雄強吞滅
代北如驅羊詐稱使者入秦地威風驚倒秦昭王暮年
立子一失計探轂沙丘終餓亡誦詩讀史餘更披金匱
書章蔡與秦韓往事尤可吁惇欲族誅元祐人薦福鏡
碑立諸京紹興五十三家檜掌股慶元五十九人侂牙
齧章蔡投荒韓授首秦亦奄奄泉下人當時氣勢動山
嶽如今一窖寒灰塵後來視今猶視昔哀哉踵路雙駟
傾三書讀罷燈亦暗勦勦一枕東方明

次韻趙郎中

與岑

泛舟之作

危樓傑出清茗澣一眺蒼然盡平楚倚欄興盡蘭橈舉
時聽長年作吳語趙盾當權人共苦白蘋清風渺何處
人生得閒價無伍天遣吾儕共休汝公孫愛客茶屢煮
風味端能繼桑苧晚涼一卮薦菰黍清唱時聞采蓮女
紀茲勝踐須燕許好與留題鎮烟嶼吾詩老去渾漫與
不畏傳抄殫萬楮

編局

舜爲天子臯爲士瞽瞍殺人執而已從來三尺天下平
析律二端真可鄙近聞編局蕩巢穴盡取鼠輩尸諸市

取宜不稱
布衣韋帶三十餘筭配黥流動千里獨遺太學四五士
但以姦京法從事秦相不重褒衣人曷爲忠恕而已矣
乃知能掉三寸舌極惡窮凶猶可恃大理得臯陶汝曹
應穎泚

官田行

噫呼嘻樂哉咸淳三年之秋大有年近自淝河東西江
與淮遠及七閩二廣連四川黃雲一望千萬里莫辨東
西南北阡甌窶汙邪滿溝塍秧馬折軸擔赧肩天公更
好事十日不打雨三邊不動塵穡人更何慮自從田歸

官百姓糟糠難況復連年苦饑僅草根木實爲珍餐嗟
峨殍骨橫千里待得今年能者幾只道伸眉得一笑酒
肉淋漓渾舍喜誰知一粒不入腸總是公家主家米夜
聞東家鄰偃仰啼孤婢我問汝爲誰答云無食無兒窮
婦人今年公田分司官吏惡那有遺秉滯穗霑飢貧大
家京坻那復有惜米如珠藏在困我聞唐家天子卽位
當四年天下斗米惟三錢我皇不減貞觀主相公亦如
房杜賢奈何米價百倍踰貞觀此病豈得無其源嗚呼
噫嘻我知之矣自從買公田豐年亦凶年此何人哉悠

取堂存和
卷十
二谷際岐校
悠蒼天更有一事尤堪怪欲說未說心先怕今年處處
皆有秋何故天台大水獨無一粒收一粒不收猶自可
臣水王君火囚此事頗關宗社憂書生守經論白黑無
乃將身豺豸投

讀陸達常簿奏篇喜而有賦

老翁關門貪睡味朝廷近事到耳疎朝起忽收故舊信
得此痛哭流涕書書中所道果何事人心天命關機樞
昔無叛民今已起赤子至此誰之辜公田下損而上益
楮法子廢而母孤三尺孤童盡知得誰能暴虎編其須

朝陽一鳴百贖醒幸哉僅有而絕無三后在天甚神聖
佑此一脉皇基扶我非慶歷石守道聊題數語昭羣愚

和劉養源

日景何須土圭測臘盡熙熙好春色明眉翠柳弄精神
調舌珍禽破岑寂疊嶂融融遲日麗雙溪渙渙層冰釋
行看騎簇昭亭曉還聞猿嘯高齋夕宛陵山澤紛紆餘
爾來憔悴緣急符安得春風百萬斛爲散和氣還郊墟
北帝回車已浸遠東皇布令應潛孚原疇蘇醒天雨玉
草木滋潤淵生珠我詩背城猶借一吏氣暫掃因元日

豫憂簿領還壓頭不得時陪竹林七茗溪葦間舟延緣
白魚朱橘不論錢幽棲已入五更夢早春顧渚何時煎
老師謹勿先抽單苦嫌道院颼颼寒吟編未載兩殼鯨
莫惜娉婷珠一斛

讀梅福傳有感

原註因皇
子薨而作

君不見綏和天子在御世五春畫堂甲觀寂寂空無人
豈無壯髮類元帝奈燕飛來啄皇孫三星屢暗紫宮裏
羣臣默默誰扣闥忽聞縣道上急變乃是南昌梅子真
書言願蚤建三統以孔子後上繼殷存人自立乃周武

壅人自塞為亡秦陛下若欲保繼嗣成湯不祀宜留神
子真先會柱王鳳言不見省徒報聞小臣讀史每流涕
福于異代猶諄諄而況交柯紫荆樹東枝顛顛西枝榮
有能建此第一義本支百世何足云我今那復效梅叟
聊欲全生吳市門

記二首兒四日雷二異

咸淳七年正二月天災人異何稠疊細推厥咎端有繇
孤臣未言先泣血日當丙子月當寅
原註正月
十二日 湖州毗
山有妖孽曹家產子威殺人二首一身連骨節左首似

參右似娘渾舍驚走趾欲折里胥不敢上其事一州喧
喧騰頰舌從來天子天下首二首之占何待說我聞唐
家儀鳳年的證端爲今日設涇州之民有生兒異幹同
軀不容裂是時武氏乘其夫唐祚中微殆將滅聖朝家
法與唐異四星在天循軌轍咎在君陽非太陰媧羿雖
殊禍俱烈人妖示變未三旬二月天災來不輟粵從己
亥至壬寅據歷雷聲未當發胡爲砰訇震天鼓四日四
夜聲不絕上天威怒端有意要使吾君用剛決夏竦姦
邪致天變仁皇感悟真明哲只憑霹靂一聲雷掃去有

同湯沃雪後來高廟遵故典湯相罷歸同一訣奈何災
異過兩朝猶復留此大饗饗二首之兒四日雷占雖不
同應無別作詩會入五行傳謹勿流傳取剝削

雞禍詩

君不見西漢初永光年當時雞變禍連延冠距名將尊
已成坐令戚里傾中天那知千五百年後咸淳之歲爲
續絃黑雞兩翅生五距食輒傷人萬口傳家雞盡縛向
市賣美味不敢登盤筵皆云黑雞乃癸酉十二相屬符
昭然生不于他獨于翅蓋言羽翼爪距全我欲攀龍報

取室存和
卷一
天公無路可到明光宮安得尸鄉祝雞翁爲我用術禳
其凶天子九九八十一萬歲免使真人白水還飛龍

冬大雷電

方冬十月天炎蒸雷公吼怒聲憑憑投壺玉女忽大笑
晦明倏爍來相乘天方收聲地藏蟄激怒豈爲陰所陵
圓蒼寓意端有在要使強臣生戰兢強臣聞之但一笑
小兒怖我終何能白雞巨浸九齡亞青鼠妖星千道稜
我猶視爾爲戲劇此雷何啻蟲薨薨聖君小變亦知懼
姦臣大異那能懲寄語天公停此小伎倆只須一聲霹

靈王茂宏

孤憤吟四十韻

原註效子
美對屬體

岷峨老人白頭哭宇宙頻年生意蹙自從解綬遠遁逃
日望君王戒危辱幡然盡改亂亡事斬新爲輯和平福
叢祠獵去嗥夜狐遠嶽收取鳴陽族閔籍惟供永巷埽
竇梁總向高閣束上方月進絕前蹊汙吏日攘行顯侈
賦租時爲率土蠲恩澤尤當近畿足聖心悔禍誠勇猛
天命何憂難逐續老人靜中揩眼看時事轉覺令心寒
旄頭妖彗久不出黔首剜肉殊未完炎然凶渠氣脉壯

莆葵姦黨根株盤小臣乘間肆邪論

原註陳伯玉

衆正盈庭

徒坐觀北衙無人素爲地南徼何路能通天

原註伯玉時謫首

血淋漓誰困鄧頭子勾追空憶韓儀舜鳴周九苞鳳溢

序盈庭五彩鸞若爲千載遭聖代不肯一唳驚朝端得

非盡善遇堯舜毋庸賣直同箕干我聞屋漏知在下君

欲箸籌煩暫借尺籍無糧創市田告身易醉空酬價膏

腴已被公家奪磽瘠復遭姦佃嚇積庾如京寧復得羸

齒盈溝誰爲嘅蚩尤兵革自久遠新莽王田徒擾害哀

鴻慘淡集中澤飢虎咆哮行曠野柯山一鬪猶未平茗

谷際岐校

水三貪尤可怕罔民白撰肯蠲除括稅紅由恣姑噉城
門口嗅嚴酒權民屋寸量甚間架瘠人封已信可誅剥
下媚上當何如崔烈爲公近日有劉毅答詔今時無

毅言西園賣官事

民間已食烏昧草

原註事出長編

天上猶積瓊林儲

小人長國但牟利大學生財誰讀書民貧盜起已有兆

內救外寧猶貢諛紛紛諂子諒無責挺挺諸賢何不圖

芳草爲蕭晚節壞嘉橘成枳中年渝虞庭盛際枉者直

周屋衰時哲亦愚漳濱病叟愁誰語杜曲詩翁恍如晤

最憐稷契許身愚豈謂陰何用心苦每篇必寓憂世懷

取堂存私
卷七
谷際岐校
直筆寧愁當國忤法律森嚴信殊絕對屬始終無齟齬
嗟予衰老才力弱稽首名賢晨夕慕憂來援筆偶成章
力戒負囊毋輒露

送庸齋赴召

宗臣一去今三年玉堂詔許還坡仙黨魁久屈再徵用
識與不識皆歡顏先生出處固有道諸公進說徒啾喧
或云時事正孔棘百萬生靈皆倒懸公卿唯阿固權位
闔戚盤互挈金錢三垂蹙蹙迫寇壘萬口嗷嗷愁實田
南交黠寇謀幹腹東海逆雛方聚船奈何揖遜救焚溺

同姓體國寧其然或云大老世模楷晚節要同金石堅
不聞鳴犢反潛聖況復白駒遺衆賢濟川必待烝徒楫
傾否亦資茅茹連試看醉翁門下士當今誰者居清聯
角巾支杖亟還里覽輝翔集毋輕前我常靜慮爲折衷
咄此二議何其偏卦爻時義各有當聖賢出處無非天
五真應二泰可致四不求初屯豈亨要知君相誠與否
卓識諒已窮幾先苟能舉國聽夫子雖不俟駕何尤焉
巖風吹衣落闔土幸與盟主相周旋酒邊抵掌談世事
愛君憂國固拳拳鴻飛遵渚望不及中夜起坐徒煩煎

心乎愛矣思有助斐然狂簡成茲篇

原註庸齋後辭不赴

閑中讀書次第

紫陽禮編甫盡卷亟償通典平生願增損温公鑑目成

原註通鑑目要把二巖書貫穿
原註巽巖長編終徽宗秀品要錄惟高宗一朝

欲合夜燈覽徹六一文眉山鉅集思重見七書卷帙二

千餘加我三年當閱徧爾來兩目漸眵昏一一手鈔寧

敢倦固知衰頹力不勝其奈嗜好頑難變又恐貪多或

溺心閉閣時燒香一篆

園中讀書

南樓幽簾雖粗適猶嫌塵務妨閒逸讀書老圃四無人

啼鳥落花春寂寂試垂修綆汲義泉更把長鏡斲玄窟

已無俗物敗人意猶有睡魔入吾室且須時擊看山脰

不妨暫著穿花屐君平身世兩相棄韓子老大百無益

但願殘生更幾年了我牀頭二三策

取堂存稿卷七

取堂存稿卷八

宋 高 斯 得 撰

五言律

次韻養源避暑西湖

牆擁千竿竹簾縈一穗香避喧情散朗懷舊意悲涼小
簞琉璃色新醅琥珀光夢回聞剝啄渾欲懶衣裳

次韻戴石屏見寄

霞嶠詩人窟夫君獨擅場太羹無厚味嘉稷有真香投
老安蓬戶平生似草堂原註戴詩頗近子美遙知道機熟尊酒百

取宜存和
卷八
王元照校

憂忘
晚秋

颯颯晨飈凜蕭蕭暝色凄拒霜城上下衰柳岸東西老去慵青簡憂來俯碧溪飢烏誰教汝故作傍人啼

江夫人挽詩

悲哉金氏誌未讀涕先零祖統他宗嗣嫠憂再世丁天矜人一念姑與婦三齡原註夫人之姑張氏九十而終夫人九十三而終幸有孫枝秀翹然蔭戶庭

病起二首

老去增書癖還遭病見磨杜詩能止瘡周易解祛魔不得青編伴惟應白日過坐多膚欲痺時起眺清波頰面驚權出梳頭感髮稀鶴飢從自瘦驥老更求肥蕭索盤中饌寬長身上衣惟餘酒未減興至羽觴飛

鶴林吳尚書挽詩二首

珠緯躔奎後坤文世載英奇才冠元祐大手擅端平時事雖難并詞華略與京自從雙鳥寂禁柳謾嚶鳴魁孽奸時論詞臣格詔除承明俄罷直光範肯馳書東土淹靈運南州哭仲舒平生丞弼望只此闕高墟

吳參政淵挽詩三首

造化千年秀皇家數世仁功名光慶祐人物輩乾淳
 犖旂常紀睽睽鼎鼐新慙留天不許國步痛斯頻
 中外踰三紀勤勞備百為韓公飽經濟杜杞困驅馳風
 靜千屯禳春回數路饑江淮與襄漢何地不豐碑
 念昔先君子慈恩託下陳嵇孤雖願識李御竟無因賞
 遇肝腸照書題骨肉親數行知己淚西望幾沾巾

題林屋洞天

將返鴟夷棹聊觀古洞天蒼崖環谷口圓嶠結湖壩大

藥慚無質還丹莫浪傳具區如弱水重到定何年

陳樞密宗禮挽詩二首

讀公淳寶疏風節一何奇凜凜戮丁刃堂堂伐鄭師良
 醫渠不使傾厦故難支不見陳攻蔡當年亦右司

瑩中宗禮去國亦右司

原註謂陳

直道終難恃平生一險夷蠻谿憔悴日公府笑談時來
 識魯山面空看有道碑雉膏殊未食付與寧馨兒

書事四首

晨炊出避寇中夜尙傷弓赤地眠枯稭青天入短蓬可

憐窮白叟所至聚黃童老耳雖多曠時聞話相公

坎壤乾坤志蒼茫宇宙身十年猶鍛翮尺澤豈遊鱗汗

簡時鑽蠹斯文企獲麟但憂來日少滄海闊無津

不必緡金匱何須校石渠科條唐代典刀尺漢人書原

予修通典之外有漢刀尺論西漢得失論凡二十四卷兵火失之

後世應知我時人莫

起予祈天無厚望更予十齡餘

兩月竄荆棘愁生祇自憐屈盤茅屋底攀踈野人前盡

室踰百指看囊無一錢長安望不見何日靜戈鋌

耽書

年來得奇疾彷彿似書淫二史番休讀

原註史記漢三書周而復始

詩夢覺吟

原註李杜蘇詩枕間更誦

少時輕寸晷老去惜分陰只恐

前生是蓬山閣上蟬

端午小飲分韻得身字

此節知何節悲歡發興新懷沙弔沈塚高戶慶長身豪

氣今安在忠魂死不泯詠餘增感慨命酒慰沾巾

立春日集杜句二首

春日垂霜鬢江村亂水中偷生長避地愁坐正書空乞

米煩佳客應門試小童布衾冷如鐵長夜豈堪終

早行石上水泥濘苦相牽盜賊浮生困艱辛衆目憐囊
空罄金錯米盡折花鈿更有傷心處君臣豺虎邊

五言長律

存齋牟端明挽詩

碩德千人表高風一世欽師承文靖正識拔秀巖深奧
學方前古雄文獨擅今史筵新發軔儒館力抽簪蕭艾
俄當路蘅蘭曼出林螭頭恩舄奕豹尾步嶽崑斲脛思
全玉圍腰肯待金綬甘辭若若戟喜對森森孽火遭千
劫讒波沸百壬燃臍機弄巧原註董宋臣拔眼計謀陰原註丁大

全誣詆淵衷監成蠲寵命臨一麾猶偃蹇三節又侵尋
聽履星辰近司綸雨露湛世方期汲直人已感遲任披
腹平生節攀髯晚歲心幅巾朝第就遺腹暮庭廡書殿
榮封塚立臺闕在岑鶴山初共被茗水晚同襟感舊鬚
成雪懷人涕作霖元成負文采端可嗣徽音

鄒樞密

應龍

挽詩

有偉倫魁彥風標九牧傾直聲同日揭峻節與霜明賀
旅羞權隸佳兵折寇萌一麾人共惜再入道彌貞專對
思尊主塗歸首正名終然疎汲黯誰復挽陽城訪落當

元祀干旄竝兩英原註慶元元年與真西山魏鶴山同召驛車方稅鞅局

面已翻枰不憚箋天苦堅留出晝行一言嬰虎怒八載

與鷗盟原註鶴山補外上疏留行并得罪改瑟新元化持樞贊國成咎

言方泐湧悟主獨和平南谷撩歸夢東藩薄宦情寒花

馨晚節潛穎謝浮榮落落靈光殿堂堂董相坐國人歌

輟杵志士淚緣纓隸也常尊孟嗟哉未識荆易名如得

與猶足慰平生

讀天台侍郎黃公宜神道碑

昔纂寧宗紀名臣嘆寂寥鉅姦方枋國多士謾盈朝快

讀黃公傳如聞舜代韶盡言醒衆贖獨立聳清標辨枉

全張猛持身簡豎刁要途方凜凜歸夢已搖搖疏廣還

家勇義之入海遙寒花矜晚節老檜傲霜朝遷史雖猶

缺邕碑亦孔昭咨予無健筆魂去若為招

奏院豫七弟挽詩

瑟瓚天資美洪樞地胄華安恬羞善宦孝謹克承家籙

學耽奇古文房好靜嘉顏瓢空不繼原粟散無涯庭徑

長生草山園妙識花公門捐造請內典卻紛拏留邸空

陳迹分麾付一嗟原註屢得郡皆不赴階蘭芳欲盡池草句誰誇

甚欲號森柏其如歎繫瓜遙將萬行淚灑向夕陽斜

挽亡弟豫九制參詩

山園有佳樹生處本同枝客土何年異孤根兩處移西
栽種嶺下東植雪溪湄君壯方逢世吾衰久忤時丘園
甘寂寞門戶倚扶持乘障能名著參籌婉畫奇平生境
雖順末路數終奇屢厄梟鳴暴仍遭馬蹏危

原註馬光祖觀望拒

其人客魂翔寓里旅櫬出京師鴈澤羈孤影鴿原躑躅
悲殫予暮光景恤汝眾孤嫠臨穴萬行淚九原知不知

七言律

谿亭春日二首

嚶嚶春沸哢青郊老鶴翛然獨在臯澹池和風眠五柳
冲融暖日醉三桃盡輸樂事歸妍唱肯把牢愁寄續騷
想得舊遊時入夢西堂春草未應薶

豈不懷歸蜀道難故來谿上稅浮驂新詩功次日遷九
潛聖儀刑畫接三窓竹有情陪素隱園花無賴恣紅酣
要將雲淡風輕句參請宗門老晦庵

送胡吏部穎赴闕

枌榆陰裏植甘棠民坐春風吏履霜治粟久持膚使節

取堂存和 卷八 七 王元照校
握蘭歸噴望郎香去思應共湘江永來諭誰云周道長
拖玉腰金君不羨令名姱節看流芳

郎省分攜恰五朞相逢一笑楚江碕釣魚山下人方到
回鴈峯頭客已歸夜雨未厭揮塵柄春風無奈趣鞍鞿
臨岐但祝加餐飯人物如今角宿稀

建寧府鹿鳴宴詩

鶴書夜下建谿南拔盡鄉英萬口談帝闕佇聽臚唱九
賓筵試詠鹿鳴三身名雖待文章顯氣質須從道義涵
海內如今人物眇掀天事業要奇男

題張志山留稿

一眼高懸四海空評詩誰出杜陵翁紫鸞翠駿真難並
翫羽鯨魚定孰雄門外飛來清婉句壇中報起寂寥風
錦囊已逐春風去何日花前一醉同

勸農有感三首

井卦分明說勞農周人田制寓其中但令此念純無已
可使吾民養不窮數豆荒餐延野老一篇腐語誨村童
爾枕不屬知何補謾道天公靳屢豐

三代興甿法已精田官衆建日諄勤一年一度情何簡

于縣于州責孰分愛禮存羊斯僅可賣刀買犢匪攸聞
周官千載何曾試我欲重拈靜楚氛
衍漾春郊徧野疇不堪回首劍南州勸農官吏渾冠鷓
力穡丁夫總帶牛苦欲如邛嗟未得自憐適越竟何求
春風萬斛濃于酒一與畸人盪許愁

次韻趙庸齋賀除閩漕

方向江湖拜散人天王明聖尚哀臣牽舟未得還三峽
乘傳何堪使七閩作牧幸逢青眼舊論交寧歎白頭新
却愁未稅周原鞅公已催歸上要津

庸齋再賦予亦再和

茗濱衰白一羈人五玷皇華遣使臣已自無恩及南楚
那能有福散東閩豫憂刺史聲名減不稱君侯佳句新
踏徧山川成底事徒令沮溺笑知津

次韻養源雙溪閣野眺

雨餘久不眺寒城平楚遙知一望清老杜頗慵看白谷
大王惟愛寫黃庭剪裁花柳春刀尺錯綜江山帝緯經
終待幅巾同遠望逃他天械與天刑

送不浮赴沿江制參二首

地福難頒虎竹分不妨六度作參卿九江日落回君首
三樹風吹動我情此別不堪分袂苦何時重聽對床聲
到宮休道無來使溢浦雙魚自可烹
瓶中儲粟苦無多百口張頤劇雁鵝王粲依劉寧得已
嚴公待甫定如何且須省卻癡兒事只好長爲醉後歌
瓜熟歸來再相聚阿兄猶自種陽坡

次韻上饒溫淳投贈

從來箕斗只虛名石火光中了一生寂寞九京蕪子政
荒涼三徑老淵明我方遯世人爭棄君獨憂時意未平

多謝相逢便如故次山詞氣浩縱橫

原註來詩
憶趙庸齋

送饒漕

已催四牡使駢歸江漢旋歌命召詩借問儀庭集鸞鳳
何如當道臥熊羆柳迎士行成陰密樓得元規發興奇
少待邊亭永清晏却歸簪筆侍龍墀

次韻戴石屏見簡二首

採玉探珠遍九圍先容分不到離奇委心自信天行止
用世空慙道覺知且可謾持東海釣終期不負北山移
杜陵雖老心猶壯盍與同尋蜀相祠

入東頗亦交名勝安道聞孫更崛奇明月清風能我共
高山流水只君知遙憐把酒懷人處正是登樓望遠時
安得抽簪投海岸相從朗誦快心詩

原註戴有快心詩數十章

送史深之入蜀

我讀江湖夜雨編西風搔首一凄然如何經濟二三策
僅見琳琅千萬篇小隱安能老丹嶠壯懷猶欲上青天
此行若與涪翁遇定把詩家古印傳

次韻施秀才新樓有賦

白鶴山中熊豹姿可憐營窟傍若溪無家那得還三蜀

寄跡堪嗤傳一齊共詫閣能捫斗柄誰知堂不愛棖題
厦成人已離騷國何日同登醉似泥

飲牡丹

尚記年時醉我賓抽簪起舞坐生春誰呼七七逡巡手
重現三三夢幻身獨樂園中老居士沈香亭北謫仙人
吾今望此如蜂蟻莫怪名花向我顰

夜坐有感

自嘆吾生行且休誰能長抱畏塗憂三番自取剗腸害
百鍊多成繞指柔鞭鳳管鸞勞夢想鬪雞走狗好沈浮

從今投劾歸漁隱手掬清波蕩許愁

次韻趙庸齋見寄

人在南山第幾重采薇端可繼高蹤
褰衣辟世鋤三徑閉戶求仁印五峯
周室如何廢常棣楚人猶聽夔夫容
大書元祐黨魁傳今代豈無人姓龔

鄧侍郎再和予亦再答

此云再答當先有倡答詩而今佚之

烟雨淒迷主簿峯傷心蕙帳十年空
夢魂吳蜀千山隔歸路湘江一水通
莊舄相看均是客虞卿何事獨嗟窮
天涯邂逅誠多幸許挈詩囊入社中

春日偶成

七年高臥雪溪濱閱盡諸公上要津
共怪朝無書一字寧知項有鐵千觔
淵明肯仕義熙世劉老要完元祐人
四壁新堂基已就從今飽挹洞庭春

七言絕句

蜀錦亭

故國名花復不同景陽機裏織春風
莫將麗質驚丹卉只把孤根託化工

孤憤吟十三首

原註甲戌十一月以後邊事日急作此以紀一時之事

檜佞當權十五年始終只被一私纏人心失盡天心怒

燎火炎炎故不然原註前漢成紀敘傳
炎炎燎天亦允不揚

金縉私許北方盟君父前頭却隱情今日禍胎從此始

罪浮孽檜與權京

先帝方歸盛德園龍輜半夜浙江邊孤臣泣血無他請

願把姦臣訴九天

軍功閣束萬人多兵部門前雀可羅悍將武夫心失盡

可知棄甲與投戈

國家元氣是人材稍露光芒盡力摧今日舉朝皆婦女

邦衡此語亦誠哉

掃除學法啗諸生精銳銷磨直可坑乞斬三姦亦人爾

汝曹何忍負齋爨

無罪無辜竄逐人幾經大霈不霈恩更將改正張羅網

結盡千千万萬冤

疆買民田自噬膚大家破盡為催租幾多怨氣沖霄漢

天欲無誅可得乎

督帳行趨建業東壯哉迎敵氣如虹勸君猛捨一腔血

莫學檀公誤乃翁

乘桴頤浩元無策進蹕豐公妙達權寧死老身終不去
太皇此語可回天

覆按山陵挈累行金多季子橐齋輕殿中御史尤堪戮
盡室逃歸駭一城

原註文及翁陳過

囊封癸酉罄愚蠢第一親征次守江啼得血流無用處
自憐弱步要豐扛

阜錄新書幸已成名山藏去復傳人毋令十載編摩苦
竟與家書共厄秦

聞楊元極去國

傾厦難將一木支薇垣累疏亦何爲鳳凰本自翔千仞
不待區區奪我池

題愛梅亭

生世梅花是故知相逢不負歲寒期自從一點梢頭白
看到青陰弄實時

題同濂閣

霽月光風灑落人與君同調故憐君不須歎息知音少
後世豈無揚子雲

恥堂存稿

卷八

王元照校

恥堂存稿卷八



程